

島神忘合太虛若來與若去無處不真如

符火

胎息綿綿處須分動靜機陽光當益進陰魄要防飛潭裏珠含
景山頭月吐輝六時休少縱灌溉藥苗肥

接藥

一半玄機悟丹頭如露凝雖云能固命安得煉成形鼻觀純陽
接神鉛透體靈哺含須慎重完滿卽飛騰

煉神

生前舍利子一曰入吾懷慎似持盈器柔如撫幼孩地門須固
閉天關要先開洗濯黃芽淨山頭震地雷

道藏輯要

孫不二元君法語

竟

胃集七
川上三一

服食

大治成山澤中含造化情朝迎日烏炁夜吸月蟾精時候丹能
採年華體自輕元神來往處萬竅發光明

辟穀

既得餐靈氣清冷肺腑奇忘神無相著合極有空離朝食尋山
芋昏饑採澤芝若將煙火混體不履瑤池

面壁

萬事皆云畢凝然坐小龕輕身乘紫炁靜性濯清潭炁混陰陽
一神同天地三功完朝玉闕長獻出煙嵐

出神

身外復有身非關幻術成圓通此靈炁活潑一元神皓月凝金液青蓮煉玉眞烹來烏兔髓珠皎不愁貧

冲舉

佳期方出谷咫尺上神霄玉女驂青鳳金童獻絳桃花萼音彈前錦瑟月下弄瓊簫一旦仙凡隔冷然渡海潮

女功內丹

不乘白鶴愛乘鸞二十幢幡左右盤偶入書壇尋一笑降眞香繞碧闌干

小春天氣暖風暄日照江南處士家催得臘梅先迸蕊素心人對素心花

道藏輯要

孫不二元君法語

章

胃集七

資生資始總陰陽無極能開太極光心鏡勤磨明似月大千一粟任昂藏

神氣須如夜氣清從來至樂在無聲幻中眞處眞中幻且向銀盆弄化生

蓬島還須結伴遊一身難上碧巖頭若將枯寂爲修煉弱水盈盈少便舟

養神惜氣似持盈喜墜陽兮怒損陰兩目內明馴虎尾朦朦雙耳聽黃庭

荆棘須教剗盡芽性中自有妙蓮花一朝忽現光明象識得渠時便是他